



Manifiestu Día de les Lletres

Güei, “XXXIV Día de les Lletres Asturianos”, n’Asturies tamos de fiesta. Celebramos estos treinta y cuatro años de recuperación de la nuesa llingua. Un llabor emponderable, lleváu con procuru por munches persones ya instituciones venceyaes a esti procesu.

Dende Izquierda Xunida, participamos d’esta celebración, pero sobre too queremos xuntamos, una vez más, a les reivindicaciones qu’añu tres añu venimos faciendo pa que la llingua Asturiana, la llingua propia d’Asturies, tenga estatus d’oficialidá na nuesa comunidá. Al empar que denunciemos el retrasu y la perda de los avances algamaos na normalización pola mor de recortes de calter ideolóxicu que mermaron y retrasaron los llogros n’educación, y na financiación de la cultura n’asturianu y la so testimonial presencia nos medios de comunicación.

Anque ye mucho’l llabor fecho no que cinca a la normativización, un procesu necesario pal desendolque de la lliteratura y pal usu de la llingua nos contestos formales, como pue ser la escolarización, los medios de comunicación, alministración y otres entidaes, en Izquierda Xunida consideramos que pa sofitar y p’afitar esti llabor, la llingua Asturiana tien que ser declarada cooficial, como lo son les otres llingües del Estáu Español, pa favorecer la so normalización social que nun caminó paralelamente a la normativización.

Son munchos los trabayos d’investigación alreduro de la so historia, de la lliteratura, perimportantes estudios filolóxicos llideraos pola Academia de la Llingua Asturiana, que bien trabayando con procuru y con rigor dende la so creación, como institución del Principáu d’Asturies, nel añu 1980. Pero pa sofitar esti llabor y pa poder seguir p’alante ensin torgues nin pilancos, dende Izquierda Xunida esiximos l’alcuerdu y el compromisu de tolos partíos políticos pa que se declare, ensin más demora, la oficialidá del asturianu.

Tenemos una llei d’usu que tien vixencia dende l’añu 1998, ensin embargu, tampoco se desendolcó nin s’esixó’l so cumplimientu por parte de l’Alministración. Pa más, amárganos agora la llei WERT que tien l’envís de

facenos retroceder nel camín de la escolarización que tanto costó empobinar. Poro, reclamamos d'una vez por toes la oficialidá, porque consideramos que ye la única forma de que la llingua tenga la presencia y el respetu que se merez nos medios de comunicación, que tenga'l mesmu tratamientu que les demás materies nel currículu escolar, que se-yos reconozca la especialidá a los maestros d'asturianu, convocando oposiciones como les demás especialidaes ente otros enfotos. Reivindicamos que l'alministración asturiana abra les puertes al asturianu, Ayuntamientos, Parlamentu Rexonal, Universidá y demás instituciones.

Ye precisu reconocer, que na actualidá ye una prioridá l'atención a les necesidaes básiques de les persones y el desendolcamientu de los derechos sociales. Pero nun se debe aprovechar esti momentu difícil pa frenar la meyora de los derechos a la cultura y accesu a la mesma y tarazar la nuesa identidá cultural, de la que la llingua ye ferramienta básica.

De poco nos sirve'l clamor popular de les manifestaciones del día de les Lletres, de les tantes y tantes reivindicaciones que dende distintos estamentos y coleutivos sociales se faen tolos años y en distintes feches, mientres dalgunos partíos políticos seyan sordos? a la voz del pueblu y nun crean no que prometen. Quien tien qu'escuchar la voz del pueblu, la voz de la xente asturiano, son los cabezaleros nel poder que faen, si acasu, el papelón saliendo un día señaláu a facer actu de presencia nun actu reivindicativu, pa salir na foto y llueu escaézsse-yos dafechu, al día siguiente como si se tratara d' un actu folclóricu más, que ye a lo que tán avezaos. Dende Izquierda Xunida, reivindicamos una vez más que la llingua seya oficial y qu'esti Día de les Lletres Asturianos seya un día de xuntura y de gayola, que tolos asturianos reivindicamos al altu la lleva'l firme compromisu de los gobernantes d'Asturies d'asitiar la llingua Asturiana nel estatus que-y correspuende, que ye'l de llingua oficial, y la normalización del so usu en tolos ámbitos sociales, culturales, económicos y políticos.

Puxa Asturias.

Puxa la so llingua.